



E. J. BRILL — PUBLISHER — LEIDEN

TWENTY-FIVE SANSKRIT INSCRIPTIONS FOR USE
IN UNIVERSITIES ANEW EDITED

BY

J. GONDA

(TEXTUS MINORES, Vol. IV)

1948. 42 pp.

Gld. 1,50

KURZE ELEMENTAR-GRAMMATIK DER
SANSKRIT-SPRACHE MIT ÜBUNGSBEISPIelen,
LESESTÜCKEN UND EINEM GLOSSAR

von

J. GONDA



Library

IAS, Shimla

417.70934 Eg 33 M



00043017

Gia. 5,-

1948. 3., verbesserte Aufl. VIII, 152 S.

MEDe VERKRIJGBAAr DOOR BEMIDDELING VAN DE BOEKHANDEL

TEXTUS MINORES

IN USUM ACADEMICUM SUMPTIBUS E. J. BRILL
EDITI CURANTIBUS H. F. W. D. FISCHER, R. HOOYKAAS, F. W. N. HUGENHOLTZ,
W. C. VAN UNNIK, J. H. WASZINK
QUIBUS ACTUARIUS ADFUIT B. A. VAN PROOSDIJ

VOL. XXIX

THE MORAL EDICTS OF KING ASOKA

INCLUDED

THE GRECO-ARAMAIC INSCRIPTION OF
KANDAHAR AND FURTHER INSCRIPTIONS OF THE
MAURIAN PERIOD

WITH AN INTRODUCTION AND EDITED BY

P. H. L. EGGERMONT AND J. HOFTIJZER



417.70934

Eg 33 M

LEIDEN

E. J. BRILL

1962

St. J. Eggermont

1

TEXTUS MINORES

IN USUM ACADEMICUM SUMPTIBUS E. J. BRILL

EDITI CURANTIBUS H. F. W. D. FISCHER, R. HOOYKAAS, F. W. N. HUGENHÖLTZ,
W. C. VAN UNNIK, J. H. WASZINK
QUIBUS ACTUARIUS ADFUIT B. A. VAN PROOSDIJ

- I Some early lists of the books of the New Testament, ed. by F. W. GROSHEIDE. 1948. 24 p. f 1.25
- II Scriptorum paganorum I-IV saeculorum de Christianis testimonia, ed. W. DEN BOER. 1948. 39 p. f 1.25
- III Leges Barbarorum, in usum studiosorum ed. H. F. W. D. FISCHER. I. Pactus Legis Salicae. 1948. 44 p. f 1.25
- IV Twenty-five Sanskrit inscriptions, for use in universities anew ed. by J. GONDA. 1948. 42 p. f 1.50
- V Texts concerning early labour legislation. I (1791-1848), ed. by C. W. DE VRIES and J. DE VRIES. 1949. 52 p. f 1.25
- VI Karel ende Elegast. Diplomatische uitgave naar de incunabel A van de Koninklijke Bibliotheek te 's-Gravenhage, bez. door G. G. KLOEKE. 1948. II, 57 blz., 1 ill. f 1.50
- VII Griekse papyri, ten dienste van het onderwijs in het Nieuwtestamentisch Grieks uitg. door J. DE ZWAAN. 1948. 33 blz. f 1.50
- VIII Van den Borchgrave van Couchi. Fragment uit Atrecht, uitg. door A. GOSLINGA. 1949. 35 blz. f 1.50
- IX De Borchgrauinne van Vergi. Diplomatische uitgave naar het Hulthemse handschrift (Kon. Bibl. te Brussel) bez. door A. VAN LOEVY. 1949. 41 blz. f 1.75
- X The Universal Declaration of Human Rights and its predecessors (1679-1948), ed. by F. M. Baron VAN ASBECK. 1949. 99 p. f 2.—, cloth f 4—
- XI Oscan and Umbrian inscriptions, with a Latin translation, selected by H. H. JANSSEN. 1949. 52 p. f 1.65
- XII Specimina linguae Frisiae veteris, ediderunt et paucis notis instruxerunt J. H. BROUWER, K. FOKKEMA, G. GOSSES, J. HOEKSTRA. 1950. 31 p. f 1.50

TEXTUS MINORES

IN USUM ACADEMICUM SUMPTIBUS E. J. BRILL
EDITI CURANTIBUS H. F. W. D. FISCHER, R. HOONYKAAS, F. W. N. HUGENHOLTZ,
W. C. VAN UNNIK, J. H. WASZINK
QUIBUS ACTUARIUS ADFUIT B. A. VAN PROOSDIJ

VOL. XXIX

THE MORAL EDICTS OF KING ASOKA

INCLUDED

THE GRECO-ARAMAIC INSCRIPTION OF
KANDAHAR AND FURTHER INSCRIPTIONS OF THE
MAURIAN PERIOD

WITH AN INTRODUCTION AND EDITED BY

P. H. L. EGGERMONT AND J. HOFTIJZER



DATA ENTERED

LEIDEN
E. J. BRILL
1962

MUNSHIRAM MANOHARLAL
PUBLISHERS PVT. LTD.
Oriental & Foreign Book Sellers,
P.B. 1165, NEW DELHI, 110006,

CATALOGUED



73

INDIAN INSTITUTE OF
ADVANCED STUDY
LIBRARY * SIMLA

Library

IIAS, Shimla

417.70934 Eg 33 M



00043017



30/1
417.70934
Eg 33 M

PRINTED IN THE NETHERLANDS

CONTENTS

Introduction	4
Chapter I: The Rock-Edicts	7
Chapter II: The Pillar-Edicts	23
Chapter III: The Minor Rock- and Pillar-Edicts	31
Chapter IV: The Greco-Aramaic Inscription of Kan-dahar	42
Chapter V: Further Inscriptions of the Maurian Period	47

INTRODUCTION

This edition of the inscriptions of Aśoka closely follows E. Hultzsch's reading (*Corpus Inscriptionum Indicarum*, vol. I, *Inscriptions of Asoka*, Oxford, 1925). For the subsequently discovered Minor Rock Inscriptions of Gavīmaṭh and Pālkiguṇḍu use has been made of R.L.Turner's edition (*The Gavīmaṭh and Pālkiguṇḍu Inscriptions of Aśoka*, Hyderabad Archaeological Series, No. 10, 1932), while the text of the Yerraguḍi Minor Rock Inscription is based on the reading of Barua, *Indian Historical Quarterly*, XIII, 1937, p. 132 ff.

Illegible or almost illegible characters have been placed between parentheses, in order that the student may remain aware of the true state of the text which has come down to us. The conjectures between parentheses in the Schism Edicts are based on the excellent study by L. Alsdorf, "Aśokas Schismen-Edikt und das Dritte Konzil", *Indo-Iranian Journal*, vol. III, No. 3, 1959, The Hague.

For practical purposes the text of the edicts has been divided into numbered sentences, each ending in a semi-colon. The phrasing is for the most part the same as given by J. Bloch, *Les Inscriptions d'Asoka*, Paris, 1950.

In the text of the Mānsehrā and Shāhbāzgarhi versions of the Rock-Edicts I made use of the convenient transcription *ch'*, introduced by Jules Bloch (*op. cit.*, p. 56 "Groupe *kṣ*").

The contribution by the Rock-Edicts to our knowledge of the Indian dialects of Aśoka's time has influenced the choice of the various versions of these Edicts. With one exception, the Pillar-Edicts follow the Delhi-Topra version, since all the versions belong to the same group of dialects.

In itself the exceptional importance of Aśoka's conversion to Buddhism justifies the inclusion of all the Conversion Edicts in Chapter III: Minor Rock- and Pillar-Edicts. They constitute Aśoka's first attempt to express his attitude to life and to propagate it among the peoples of the empire and the frontier regions. Not only are they important for the chronology of Aśoka's reign (see J. Filliozat, "L'éénigme des 256 nuits d'Asoka", *Journal Asiatique*, vol. CCXXXVII, pp. 143-53; P. H. L. Eggermont, *The Chronology of the Reign of Asoka Moriya*, Leiden, 1956, pp. 69-77: The Date of Asoka's Conversion to the Faith), but also for Aśoka's own views on his conversion (see P. Meille, "Misā Devehi", *Journal Asiatique*, vol. CCXXXVII, 1949, pp. 193-223).

The only Conversion Edict to be omitted is that of Jaṭinga-Rāmeśvara. In so far as this badly preserved inscription is still legible, it may be assumed that it was the same as that of Brahmagiri and Siddāpura.

P. H. L. EGGERMONT.

For the sake of completeness, the bilingual (Greco-Aramaic) inscription of Aśoka found in Kandahar has been included at the end of this collection. The Aramaic section, in particular, presents many difficulties, on the one hand on account of the stiffness of the language, on the other because of the frequent use of loanwords that cannot be easily explained. Thus the translation provided alongside with the text is only given with all proper reserve. Fortunately the Greek parallel raises far fewer problems. However, since the two texts do not correspond entirely, the Greek version, cannot always be used to throw a light on the Aramaic. Two other Aramaic texts of king Aśoka (or rather texts con-

taining Aramaic words), which have been known longer, are in such a poor state of preservation that it is not worthwhile publishing either the text or the translation here.

It is interesting to compare the paraphrases given in the two texts of the acceptance of the *dhamma* by king Aśoka: εὐσέβεια[ν] ἔδειξεν τοῖς ἀνθρώποις and *qšjt' mhqšt'*, respectively. Accordingly, the *dhamma* is rendered by εὐσέβεια = the correct attitude towards gods and men, and in the Aramaic section by "truth". The latter concept should not be confused with our intellectual conception of "truth": the true knowledge of things.

Here "truth" has more to do with conduct and denotes that conduct in life that answers to its aim, that is as it ought to be. The Aramaic "making true the truth" is accordingly paraphrased with "realizing what is correct" (sc. the true pattern of life). However, in the interpretation of the concept of *dhamma* the uncritical use of these parallels for the concept should be avoided. The degree to which the "writer" of these bilingual texts commanded the languages in which he wrote remains doubtful: this is especially true of the Aramaic, which does not seem to come to life. Consequently we do not know with certainty to what extent this "writer" was aware of the exact meaning of a word like *qšjt'*.

J. HOFTIJZER.

CHAPTER I

THE ROCK-EDICTS

Rock-Edict I (Girnar)

1. iy(am) dhammalipī devānampriyena priyadasinā rāñā lekh(ā)pitā;
2. (i)dha na kiṁci jivam ārabhitpā prajūhitavyam na ca samājo katavyo;
3. bahukam hi dosam samājamhi pasati devānampriyo priyadasi rājā;
4. asti pi tu ekacā samājā sādhumatā devānampriyasa priyadasino rāñō;
5. purā mahānas(amhi) devānampriyasa priy(a)dasino rāñō anudivasaṁ bahūni prāṇasatasahasrāni ārabhisu sūpāthāya;
6. se aja yadā ayam dha(m)alip(i) likhitā tī eva prāṇā ārabhare sūpāthāya dvo morā eko mago so pi mago na dhruvo;
7. ete pi tri prāṇā pachā na ārabhisare.

Rock-Edict II (Girnar)

1. sarvata vijitamhi devānampriyasa priyadasino rāñō evamapi pracaṁtesu yathā coḍā pāḍā satiyaputo ketalaputo ā taṁbapaṁṇī aṁtiyako yonarājā ye vā pi tasa aṁtiy(a)kas(a) sāmip(am) rājāno sarvatra devānampriyasa priyadasino rāñō dve cikīcha katā manusacikīchā ca pasucikīchā ca;
2. osuḍhāni ca yāni m(a)nusopagān(i) ca paso(pa)gāni ca yata yata nāsti sarvatrā hārāpitāni ca ropāpitāni ca;

3. mūlāni ca phalāni ca yata yatra nāsti sarvata hārāpitāni ca rop(ā)pitāni ca;
4. pāñthesū kūpā ca khānāpitā vrachā ca ropāpit(ā) paribhogāya pasumanusānam.

Rock-Edict III (Girnar)

1. devānañpiyo piyadasi r(ā)jā evam āha;
2. dbādasavāsābhositena mayā idam āñ(a)pitam;
3. sarvata vijite mama yutā ca rājūke ca prādesike ca pañcasu pañcasu vāsesu anusam(yā)na(m n)iyātu etāyeva athāya imāya dhammānusastiya yathā añāya pi kañmāy(a);
4. (s)ādhu mātari ca pitari ca susrūsā;
5. mitrasañstutañātinañ bāmhañasamañānam sādh(u)dānam;
6. prāñānam sādhu anārañbho;
7. apavyayatā apabhāñdatā sādhu;
8. parisā pi yute āñapayisati gañanāyam hetuto ca vyamjanato ca.

Rock-Edict IV (Girnar)

1. atikātam añt(a)ram bahūni vāsasatāni vañhito eva prāñārañbho vihiñsā ca bhūtānam nātīsu a(sam)-pratipati brā(m)hañasramañānam asañpratipati;
2. ta aja devānañpriyasa priyadasino rāño dhammacarañena (bhe)righoso aho dhammaghoso vimānadarsañā ca hastida(sa)ñā ca agikh(a)ñdhāni ca (a)ñāni ca divyāni rūpāni dasayitpā janam;
3. yārise bahūhi v(āsa)satehi na bhūtapuve tārise aja vañhite devānañpriyasa priyadasino rāño dham-

- mānusasṭiyā anāram(bh)o prāṇānam avihīsā bhū-
tānam nātīnam sāmpaṭipatī bramhaṇasamaṇānam
sāmpaṭipatī mātari pitari (s)usrusā thairasusrusā;
4. esa añe ca bahuvidhe (dha)mamacaraṇe va(dhi)te
vaḍhayisati ceva devānampriyo (pri)ya(da)si rājā
dhamma(ca)raṇam idam;
 5. putrā ca (p)otrā ca prapotrā ca devānampriyasa priya-
dasino rāñō (pra)vadhayisaṇti idam (dha)mma-
caraṇam;
 6. āva savaṭakapā dhammamahi sīlamhi tisṭamto (dha)m-
mam anusāsisaṇti;
 7. (e)sa hi sesṭe kaṇīme ya dhammānusāsanam;
 8. dhammacarane pi na (bha)vati asilasa;
 9. (ta) imamhi athamhi (va)dhi ca ahīnī ca sādhū;
 10. e(t)āya athāya ida(m) lekhāpitaṇ imasa atha(sa)
v(a)dhi yujaṇtu hini ca (no) locetavyā;
 11. dbādasavāsābhositena devān(a)m̄priyena priyadasinā
rāñ(ā) idam lekhāpitaṇ.

Rock-Edict V (Mānsehrā)

1. de(vanam)priyena priyadraśi raja eva(m) aha;
2. kalaṇa(m) dukara(m);
3. ye adikare kayaṇasa se dukaram karoti;
4. tam maya bahu (ka)yane (ka)te;
5. (ta)m ma(a) putra (ca) natar(e) ca para ca t(e)na ye
apatiye me (a)va(ka)pam tatha anuvaṭiṣati se sukaṭa
ka(ṣa)ti;
6. ye (cu) atra deśa pi hapeṣati se dukaṭa kaṣati;
7. pape hi nama supadarave;

8. s(e) atikrata(m) a(m)tara(m) na bhutapruva dhramam
(ma)hamatra nama se treḍaśava(ṣa)bhisitena maya
dhramamahamatra kaṭa;
9. te savrapa(ṣa)deṣa vapus̄a dhramadhitha(na)ye ca
dhramavadhriya hidasukhaye ca dh(r)amayutasa
yonakambojagadharana rāṭhikapitinkana ye va pi
añe aparata;
10. bha(ṭa)mayeṣu bramaṇibhyeṣu anatheṣu vudhreṣu hida-
su(khaye) dhramayuta apalibodhaye viya(p)uṭa te;
11. badhanabadha(sa) paṭivi(dhanay)e apalibodhaye mo-
ch'ay(e ca iyaṁ) anubadha p(r)aja t(i) va kaṭrabhi-
kara ti va mahalake ti va viyapraṭa te;¹⁾
12. hida bahireṣu ca nagareṣ(u) savreṣu (o)rodhaneṣu
bhatana ca spas(u)na (ca) ye va pi añe ḡatike savra-
tra viyapaṭa;
13. (e) iyaṁ dhramaniśito to va dhramadhithane ti va
danasaṁyute ti va savratra vijitasi maa dhrama-
yutasi vapus̄a (te) dhramamahamatra;
14. etaye athraye ayi dhramadipi likhita ciraṭhitika hotu
tatha ca me praja anuvaṭatu.

Rock-Edict VI (Mānsehrā)

1. devanapriye priyadraši raja (e)va(m) aa;
2. atikrataṁ ataram na hutapruve (sa)vraṇi kala athra-
(krama) va (pa)ṭivedana va;
3. ta maya evaṁ kiṭam;
4. savra kalam aśatasā me orodhane grabhagarasi
vracaspi vinitaspi uyanaspi savratra pa(t)i(ve)da(ka)

¹⁾ *moch'aye*: see Jules Bloch, *Les Inscriptions d'Asoka*, Paris, 1950, p. 56: "Groupe kṣ".

athra janasa paṭivedetu me savratra ca janasa
athra kar(o)mi aham;

5. yanpi ca kichi mukhato aṇapemi aham dapakam
va śravakam va ye va puna mahamatrehi acayike
aropite hoti taye athraye vivade nijati va saṃta
par(iṣa)ye a(na)taliyena paṭivedetaviye me savratra
savra kala;
6. evam aṇapita maya;
7. nasti hi me toṣe (uṭhanasi) ath(r)asa(m)tiraṇaye ca;
8. kaṭaviyamate hi me savralokah(i)te;
9. (ta)sa cu puna eṣe mule uṭhane athrasatiraṇa ca;
10. nasti hi kramatara savralokahitena;
11. ya(m) ca (kichi) pa(rakra)mami aam k(i)t(i) bh(u)ta-
nam aṇāniyam ye(ham) ia ca ṣe sukhayami paratra
ca spagra a(ra)dhetu ti;
12. se etaye athraye iyaṇ dhramadipi likhita ciraṭhitika
hotu ta(thā ca) me pu(trā nata)re para(kra)mate
sa(vra)(lo)kahitaye;
13. dukare ca kho (a)ñatra a(g)rena para(kra)mena.

Rock-Edict VII (Mānsehrā)

1. devanapriyo priyadraśi raja savratra ichati savrapaṣaḍa
vaseyu;
2. savre hi te sa(ya)ma (bha)vaśu(dh)i (ca) (icchaṇ)ti;
3. jane cu ucavucachade ucavucarage;
4. te savram ekadeśam va pi kaṣati;
5. (v)ipule pi c(u) dane yasa nasti sayeme bhavaśuti
kiṭanata driḍhabhatita ca nice baḍham.

Rock-Edict VIII (Kâlsî)

1. atikam̄taṁ a(m̄)talam̄ devānaṁpiyā (vihālayātaṁ nāma) nikhamisu;
2. hidā migaviyā aṁnāni ca heđisānā abhilāmān(i) husu;
3. devānaṁpiye piyadasi lājā das(a)vasābhiseite saṁtam̄ nikhamithā saṁbodhi;
4. ten atā dham̄mayātā (h)etā iyam hoti samanabam̄bhanānam̄ dasane cā dāne ca vudh(ā)nam̄ dasa(n)e c(a) hilam̄napaṭi(v)idhāne cā (jā)napadasā (ja)n(a)sā das(a)ne dham̄manusathi cā dhamapalipuchā cā;
5. tatopa(yā) (e)se bh(u)ye lāti hoti devānaṁpiyasā piyadas(i)sā lājine bh(ā)g(e) amne.

Rock-Edict IX (Kâlsî)

1. devānaṁpiye piy(a)da(s)i lā(jā) āhā;
2. jan(e) uc(āv)ucam̄ maṁgalam̄ ka(l)eti ābādhasi av(āha)si vivāhasi pajopadāne pavāsasi;
3. e(tā)ye aṁnāye cā edisāye jane bahu magala(m̄) k(a)leti;
4. heta (c)u abakajani(yo) bahu cā bahuvidhaṁ cā khudā (c)ā nilathiyā cā magalam̄ ka(l)aṁti;
5. se kaṭavi ceva kho maṁgale;
6. apaphale (c)u kho (e)s(e);
7. (i)yam̄ cu kho mah(ā)ph(a)le ye dhammamagale;
8. he(tā) iyam̄;
9. dāsabhaṭakasi s(a)myāpaṭip(a)ti gulunā apaciti (p)ā-(n)ān(am̄) samyame s(a)man(a)baṁbhanānam̄ dāne;
10. ese amne cā heđise dhammamagale nāmā;
11. se vata(v)ije pitinā pi putena pi bh(ā)tinā pi suvā-

- miken(a) pi mitasam̄thuten(ā) ava paṭivesiyenā (p)i;
12. iyam sādhu iyam kaṭaviye (ma)g(a)le;
 13. āva (ta)sā athasā ni(v)utiyā imam kachāmi ti;
 14. e hi i(ta)le magale sa(m)sayikye se;
 15. siyā va tam aṭhami nivaṭey(ā) siyā punā no hi(da)lokike cev(a) se;
 16. iyam punā dhaṭṭmamagale akāliky(e);
 17. haṃce pi tam aṭham no niṭeti hida aṭham palata anaṃtam punā pavasati;
 18. haṃce puna tam aṭham nivateti hidā tato ubhaye(sa)m ladhe hoti hida cā se aṭhe palata cā anaṃtam punā pasavati tenā dhaṭṭmamagalen(ā).

Rock-Edict IX (Girnar)

1. devānaṃpiyo priyadasi rājā eva āha;
2. asti jano ucāvacām maṇgalām karote ābādhesu vā āvāhavivāhesu vā putralābhesu vā pravāsaṃmhi vā;
3. etamhī ca añāmhi ca jano ucāvacām maṇgalām karote;
4. eta tu mahidāyō bahukām ca bahuvidhām ca chudām ca nirath(a)m ca mamgalām karote;
5. ta katavyam eva tu magalaṃ;
6. apaphalaṃ tu kho etarisaṃ maṇgalām;
7. ayam tu mah(ā)phale maṇgale ya dhaṭṭmamaṇgale;
8. tateta dāsabhatakamhi samyapratipatī gurūnam apaciti sādhu;
9. pāñesu sayamo sādhu;
10. bamhaṇasamaṇānam sādhu dānam;
11. et(a) ca añ(a) ca etārisam dhaṭṭmamaṇgalām nāma;

12. ta vatavyam pitā va putena vā bhātrā vā svāmikena vā;
13. idam sādhu idam katavya māngalam āva tasa athasa nisṭānāya;
14. asti ca pi vutam;
15. sādhu dana iti;
16. na tu etārisam astā dānam va ana(ga)ho va yārisam dhammadānam va dhamanugaho va;
17. ta tu kho mitrena va suhadayena (v)ā ñatikena va sahāyana va ovāditavyam tamhi tamhi pakaraṇe;
18. (i)daṁ kacaṁ idam sādha iti iminā sak(a) svagam ārādhetu iti;
19. ki ca iminā katavyataram yathā svagāradhi.

Rock-Edict X (Kālsī)

1. devā(nam)piye piy(a)daşā lajā y(a)ṣo vā kitī vā no ma(ha)thāvā manati an(a)tā (ya)m pi yaso vā ki(t)i vā ich(at)i tadatvāye ayatiye cā Jane dhammasusūṣā susūṣātu me ti dhammavataṁ vā anuvic(dh)iya(m)tu ti;
2. dhata(k)āye devāna(m)piye piyadasi lājā yaṣo vā kitī vā icha;
3. am cā(k) kichi lakamati devanampiye piyadaši lajā ta (ṣa)va pālamtikyāye vā kitī sakale apap(a)lāṣave śiyāti ti;
4. (e)ṣe cu palisave e apune;
5. dukale cu kho eṣe khudakena vā vagenā uṣuṭena vā ana(ta) agen(ā pa)lakamenā ṣava(m) palitiditu;
6. (h)e(ta cu) kho (u)ṣaṭe(na) vā dukale.

Rock-Edict XI (Shāhbāzgarhi)

1. devana(m)priyo priyadraši raya evam hahati;
2. nasti ed(i)śam danam yadiśam dhramadana dhramasamstav(e) dh(r)amasamvibhago dh(r)amasamba(m)-dha;
3. tatra etam;
4. dasabhaṭakanam saṃmappaṭipati matapituṣu suśruṣa mi(t)rasaṃstutañatikanaṃ śramaṇabramaṇana dana praṇana anara(m)bho;
5. etam vatavo pituna pi putrena pi bhratuna pi (spa)-mikena pi mitrasaṃstutana ava prativeśiyena;
6. (i)ma(m) sadhu imam kaṭavo;
7. so tatha karata(m) ialoka ca a(ra)dheti paratra ca anataṃ puña prasavati (te)na dhramadanena.

Rock-Edict XII (Shāhbāzgarhi)

1. devanampriyo priyadraši raya savrapraṣamḍani pravrajita(ni) grahathani ca pujeti danena vividhaye ca pujayet;
2. no cu tatha (da)na va puja va devanampriyo mañati yatha kiti sa(la)vaḍhi siya savrapraṣamḍanam;
3. salavaḍhi tu bahuvidha;
4. tasa tu iyo mula yan vacaguti kiti atapraṣamḍapuja va pa(ra)paṣamḍagarana va no siya (a)pakaraṇasi lahuka va siya tasi tasi prakara(ṇ)e;
5. pujetaviya va cu parapraṣa(mḍa) tena tena akarena;
6. e(v)am karataṃ atap(r)aṣamḍam vaḍheti parapraṣamḍam sa pi ca upakaroti;
7. tada añatha ka(ra)min(o) atap(raṣamḍa) ch'aṇati para(pra)ṣadasa ca apakaroti;

8. yo hi kaci atapraşadām pujeti (para)p(r)aşaḍa(m) garahati savre atapraşadabhatiya va kiti atapra- şamḍam dipayami ti so ca puna tatha karamṭam so ca puna tatha karatam ba(ḍhata)ram upahamti atapraşadām;
9. so sayamo vo sadhu kiti añamañasa dhramo śruṇeyu ca suśruṣeyu ca ti;
10. evam hi devanaṁpriyasa icha kiti savrapraṣaiṇda bahuśruta c(a) kal(aña)gama ca siyasu;
11. ye ca tatra tatra prasana teṣa(m) vatavo;
12. devanaṁpriy(o) na (tatha da)na(m va) p(u)ja va mañati ya(th)ā kiti salavaḍhi siyati savrapraṣaḍa- naṁ;
13. bahuka ca etaye a(ṭhaye) vap(a)ṭa dh(ra)mama(ha)- matra i(stridhi)yach'ama(ha)matra (vra)cabhumika añe ca nikaye;
14. imam ca etisa (pha)lam yan atapaṣadavaḍhi (bh)o(ti) dhramasa ca di(pana).

Rock-Edict XIII (Shāhbāzgarhi)

1. (aṭha)vaṣaa(bhis)ita(sa devana)pri(a)sa pri(a)draśisa ra(ño) ka(liga) vi(j)ita;
2. diaḍhamat(r)e praṇaśata(saha)sre y(e) tato apavuḍhe śatasahasramatre tatra hate bahutavata(ke va) m(uṭe);
3. tato (pa)ca a(dhu)na ladh(e)ṣu (kaligeṣu tivre dhrama- śilana) dhra(maka)mata dhramanuśasti ca devana- priyasa;
4. so (a)sti anusocana devanap(ria)sa vijiniti kaliga(ni);
5. avijitam (hi vi)jinamano yo tat(r)a vadha va maraṇam

- va apavaho va janasa tam̄ baḍham̄ v(e)dani(ya)-ma(tam̄) gurumata(m̄) ca devanampriyasa;
6. idam̄ pi cu (tato) gurumatataram̄ (devanam̄)priyasa ye tatra vasati bramaṇa va śrama(na) va a(m̄)ñe va praśam̄da gra(ha)tha va yesu vihita eṣa agrabhuṭi-suśruṣa matapituṣu suśruṣa guruna suśruṣa mitrasamstutasahayañatikeṣu dasabhaṭakanaṁ sammapratipa(ti) dṛidhabhatita teṣa tatra bhoti (a)pag(r)atho va vadho va abhiratana va nikramaṇam̄;
 7. yeṣa va pi suvihitanaṁ (si)ho aviprahino (ete)ṣa mitrasamstutasahayañatika vasana prapuṇati (ta)-tra tam̄ pi teṣa vo apagh Ratho bhoti;
 8. pratibhagaṁ ca (e)tam̄ savramanuśanaṁ gurumataram̄ ca devanampriya(sa);
 9. nasti ca ekatare pi praśadāspi na nama prasado;
 10. so yamatro (ja)no tada kalige (ha)to ca muṭ(o) ca apav(uḍha) ca tato śatabhage va sahasrabhagaṁ va (a)ja gurumataṁ v(o) devanampriyasa;
 11. yo pi ca apakareyati ch'amicityamate va devanamp(r)iyasa yam ūako ch'amanaye;
 12. ya pi ca aṭavi devanampriyasa vijite bhoti ta pi anuneti anunijapeti;
 13. anutape pi ca prabhave devanampriyasa vucati teṣa kiti avatrapeyu na ca (ha)m̄neyasu;
 14. ichati hi d(e)vanaṁpriyo savrabhutana ach'ati sa(m̄)-yamaṁ sama(ca)riyam̄ rabhasiye;
 15. ayi ca mukhamut(a) vijaye devanampriya(sa) yo dhramavijayo;
 16. so ca puna ladho devanampriyasa iha ca saveṣu ca am̄teṣu (a) ūaṣu pi yojanaśa(t)eṣu yatra am̄tiyoko nama y(o)naraja param̄ ca tena atiyok(e)na cature

- 4 rajani turamaye nama am̄tikini nama maka nama
 alikasudaro nama nica coḍapam̄da ava ta(m̄)ba-
 pam̄(n̄)ya;
17. (e)vameva (hi)da rajaviśavaspi yonaka(m̄)boyeṣu
 nabhakanabhitina bhojapitinikeṣu am̄dhrapalideṣu
 savatra devanāmpriyasa dhramanuśasti anuvaṭam̄ti;
 18. yatra pi devanāmpriyasa duta na vracaṇti te pi śruti
 devanāmpriyasa dhramavuṭam̄ vidh(a)naṁ dhrama-
 nuśasti dhramam̄ (a)nuvidhiyam̄ti anuvidhiyiṣam̄(ti)
 ca;
 19. yo (sa) ladhe etakena bho(ti) savatra vijayo sava(trā)
 pu(na) vijayo pritiraso so;
 20. ladha bh(oti) priti dhramavijayaspi;
 21. lahuka tu kho sa priti;
 22. paratri(ka)m eva mahaphala meñati devana(m̄)priyo;
 23. etaye ca aṭhaye ayi dhramadipi niipi(sta) kitī putra
 papotra me asu navam̄ vijayaṁ ma vijetav(i)a
 mañiṣu;
 24. spa(kaspi) yo vijay(e ch'aṁ)ti ca lahuda(m̄)data ca
 rocetu tam̄ ca yo vija maña(tu) yo dhramavijayo;
 25. so hidalokiiko paralokiko;
 26. sava ca tirati bhotu ya (dh)ram̄marati;
 27. sa hi hidalokika paralokika.

Rock-Edict XIV (Shāhbāzgarhi)

1. ayi dhramadipi devanāmpriyena priši(na) rañā nipe-
 sapita;
2. asti vo saṁch'itena asti yo vistriṭena;
3. na hi savatra sasavre gaṭite;
4. mahalake hi vijite bahu ca likhite likha(p)eśami ceva;

5. asti cu atra puna puna (la)pitaṁ tasa tasa (a)ṭhasa madhuriyaye ye(na) jana tatha paṭipajeyati;
6. so siya va atra kice asamataṁ likhitaṁ deśam va saṃkhay(a) karaṇa va aloceti dipikarasa va apa-radhena.

Separated Rock-Edict I (Dhauli)

1. (devāna)m(pi)y(asā vaca)nena tosaliyaṁ ma(hā)māta (naga)la(v)i(yo)hālak(ā) (va)taviya;
2. (am kichi dakhā)mi hakam tam ichāmi k(i)m(t)i kam(mana pa)ṭi(pāday)eham duvālate ca ālabhe-ham;
3. esa ca me mokhyamata duvā(la etasi aṭha)si am tu-ph(esu) anusathi;
4. tuphe hi bahūsu pānasahasesum ā(yata);
5. p(a)na(yam ga)ch(e)ma su munisānam;
6. save munise pajā mamā;
7. ath(ā) pajāye ichāmi h(a)ka(m kiṁti sa)ve(na hi)tasukhena hidalo(kika)pālalokike(na) y(ūjev)ū (t)i (tathā savamuni)sesu pi (i)chāmi (ha)ka(m);
8. no ca pāpunātha āv(a)ga(m)u(k)e (iyam aṭhe) (k)echa v(a) ekapuli(se) (pāpu)nāti e(ta)m se pi desam no savam;
9. de(kha)t(a hi t)u(phe) etaṁ suvi(hi)tā pi (n)itiyam;
10. ekapulise (pi athi) y(e) baṇḍhanaṁ vā p(a)likilesam vā pāpunāti;
11. tata hoti akasmā tena badhana(m)tik(a);
12. amne cahu jane da(v)iyē dukhiyati;
13. tata ichitaviye tuphehi kiṁti m(a)jham paṭipādayemā ti;

14. imeh(i) cu (jāteh)i no saṃpaṭipajati isāya āsulopena ni(ṭhū)liyena tūlanā(ya) anāvūtiya ālasiyena k(i)la-mathena;
15. se ichitaviye kitim ete (jātā no) huvevu ma(m)ā ti;
16. etasa ca sava(sa) mūle anāsulope a(tū)l(a)nā ca;
17. niti(ya)m e kilamte siyā (na) te uga(cha) saṃcalita-viy(e) tu va(t)ita(v)iy(e) etaviye vā;
18. hevammeva e da(kheya) t(u)phāk(a) tena vataviye;
19. ānamne dekhata hevam ca hev(a)m ca (d)evānāmpiy-asa anusathi;
20. se mah(āpha)le (e) t(a)sa (saṃpa)ṭipāda mahāapāye asaṃpaṭipati;
21. (vi)paṭ(i)pādayamīne hi etam nathi svagasa (ā)l(a)dhi no lāj(ā)la(dh)i;
22. duā(ha)le hi i(ma)sa kaṃm(as)ā m(e) kute man(o)-atileke;
23. sa(m)paṭipajam(i)n(e) cu (etam) svaga(m) ālādha(yi)-sa(th)ā mama ca ā)naniyam ehatha;
24. iyam ca l(i)p(i) t(i)sana(kha)tena so(ta)viy(ā) amta(l)ā(p)i ca (t)i(s)e(na kha)nasi kha(nas)i ekena pi sota-viya;
25. hevam ca kalaṇtam tuphe caghatha saṃpa(ti)pād(a)-y(i)tave;
26. (e)t(ā)ye aṭhāye iya(m) l(i)p)i likhit(a h)ida ena naga-lavi(y)o(hā)lakā sas(v)atam samayaṇ yūjевū t(i) (na)sa akasmā (pa)libodhe va (a)k(a)smā pali-ki(l)e(s)e va no siyā ti;
27. etāye ca aṭhāye haka(m) . . . mate p(a)mcasu paṇcasu (va)sesu (n)i(khā)may(i)sāmi e akhakhase a(cam)d(e) s(a)khinālambhe hosati;

28. etam aṭham̄ jānitu (ta)thā kala(m̄)ti atha mama
anusathī ti;
29. ujenite pi cu kumāle etāye v(a) aṭhāye (ni)khām(yisa)
. hedisam eva vagam̄ no ca atikāmayisati
timñi vasāni;
30. hemeva t(a)kha(s)ilāte pi (a)dā a. te mahāmātā
nikhamisamti anusayānam tadā ahāpayitu atane
kaṭṭamam̄ etam̄ pi jānisamti tam̄ pi ta(thā) kalamti
a(tha) lājine anusathī ti.

Separated Rock-Edict II (Jaugada)

1. devānaṇḍpiye hevam̄ ā(ha);
2. samāpāyam̄ mahamatā l(ā)javacanik(a) vataviyā;
3. am̄ kichi dakh(ā)mi hakam̄ tam̄ i(ch)āmi hakam̄
k(i)m̄ti kam̄ kamana paṭipātayeham duvā(la)te ca
ālabheham̄;
4. esa ca me mokhiyamat(a) duvāl(a) etasa a(tha)sa
a(m̄) t(uph)esu anusa(thi);
5. savamunisā me pajā;
6. atha pajāy(e) ichāmi kiṇti me saveṇā hitasu(kh)ena
yu(je)yū (a)tha pajāye ichāmī kiṇ(ti) m(e) savena
hitasukh(e)na yujeyū ti hidalogikapālaloki(k)e(ṇa)
hevam̄meva me icha savamunisesu;
7. siyā am̄tānam̄ (a)vijitānam̄ kiṇchām̄de su lājā aphesū
ti;
8. etākā (vā) me icha (a)mtesu pāpuneyu lājā hevam̄
ich(a)ti anu(v)i(g)ina hve(yū) mamiyāye (a)svaseyu
ca me sukham̄(m)ev(a) ca lahey(ū) mamate (n)o
kha(m̄) hevam̄ ca pāpuneyu kha(m)i(sa)ti ne lājā
e s(a)kiye khamitave mamaṇ nimitam̄ ca dham-

- ma(m) caley(ū) ti hidalog(am) ca palalogam ca
ālādhayey(ū);
9. etāye ca aṭhāye hakam tupheni anusāsāmi ana(ne eta)kena (ha)kam tupheni a(nu)sāsitu chaṇḍa(m ca) vedi(t)u ā mama dhitī paṭimnā ca acala;
 10. sa hevam (ka)tū k(am)me (ca)litaviye asvāsa(n)iyā c(a) te en(a) te pāpuneyu a(th)ā pita (h)evam (n)e lājā ti atha (a)tānam anukampat(i he)vam a(ph)eni anuka(m̄pa)ti athā pajā hevam (may)e lā(j)ine;
 11. tupheni hakam anusāsita (ch)āṇḍam (ca v)e(di)ta (ā ma)ma dhitī paṭi(m)nā ca acala (saka)ladesāāy-(ut)ike hosāmī et(a)si (a)thas(i);
 12. (a)laṁ (h)i tuphe asvāsa(nā)ye hi(ta)sukhāye (ca te)-sa(m) hidalogi(ka)p(ā)lal(o)ki(k)ā(y)e;
 13. hevam ca kalamtaṁ svaga(m ca ā)lādhayisa(tha) mama ca āna(n)eyam es(a)tha;
 14. etāye ca a(th)āye i(ya)m lipī li(kh)i(ta hi)da e(na ma)-h(ā)mātā sāsvatam samam yujeyū asvāsanāye ca dhammacala(nā)ye (ca) amtā(na)m;
 15. iyam ca lipī a(nu)c(ā)tum(m)āsam s(ota)viyā tisena;
 16. amta(lā) pi ca sotaviyā;
 17. khane samtaṁ eke(na) pi (sota)v(i)yā;
 18. heva(m) ca (ka)lam(ta)m caghattha sampaṭipātayit(av)e.

CHAPTER II THE PILLAR-EDICTS

Pillar-Edict I (Delhi-Toprā)

1. devānaṁpiye piyadasi lāja hevaṁ āhā;
2. saḍuvīsativasaabhisitena me iyaṁ dhammalipi likhā-pitā;
3. hidatapālate dusam̄paṭipādaye aṁnata agāyā dham-makāmatāyā agāya palikhāyā agāya su(sū)yāyā agena bhayenā agena usāhenā;
4. esa cu kho mama anusathiyā dhammāpekhā dhamma-kāmatā ca suve suve vaḍhitā vaḍhisati cevā;
5. pulisā pi ca me ukasā cā gevayā cā majhimā cā anuvi-dhiyam̄ti sam̄paṭipādayam̄ti cā alam̄ capalam̄ samā-dapayitave;
6. hemevā aṁtamahāmātā pi;
7. esa hi vidhi yā iyaṁ dhammena pālanā dhammena vidhāne dhammena sukhiyanā dhammena gotī ti.

Pillar-Edict II (Delhi-Toprā)

1. devānaṁpiye piyadasi lāja hevaṁ āhā;
2. dhamme sādhu kiyaṁ cu dhamme ti;
3. apāsinave bahu kayāne dayā dāne sacē socaye;
4. cakhudāne pi me bahuvidhe diṁne;
5. dupadacatupadesu pakhvālīcalesu vividhe me anugahe kaṭe ā pānadākhināye;
6. aṁnāni pi ca me bahūni kayānāni kaṭāni;
7. etāye me aṭhāye iyaṁ dhammalipi likhāpitā hevaṁ anupaṭipajam̄tu cilam̄thitikā ca hotū tī ti;

8. ye ca hevam̄ saṁpaṭipajīsatī se sukaṭam̄ kachatī ti.

Pillar-Edict III (Delhi-Toprā)

1. devānam̄piye piyadasi lāja hevam̄ ahā;
2. kayānam̄meva dekhati iyam̄ me kayāne kaṭe ti;
3. no mina pāpaṇ d(e)khati iyam̄ me pāpe kaṭe ti iyam̄ vā āsinave nāmā ti;
4. dupaṭivekhe cu kho esā;
5. hevam̄ cu kho esa dekhiye;
6. imāni āsinavagāmīni nāma atha caṁḍiye niṭhūliye kodhe māne isyā kālanena va hakaṇ mā palibha-sayisaṁ;
7. esa bāḍha dekhiye;
8. iyam̄ me hidatikāye iyam̄ mana me pālatikāye.

Pillar-Edict IV (Delhi-Toprā)

1. devānam̄piye piyadasi l(ā)ja hevam̄ āhā;
2. saḍuvīsativasaabhisitena me iyam̄ dhaṁmalipi likhā-pitā;
3. lajūkā me bahūsu pānasatasahasesu janasi āyatā;
4. tesam̄ ye abhīhāle vā daṁde vā atapatiye me kaṭe kiṁti lajūkā asvatha abhitā kaṁmāni pavatayevū janasa jānapadasā hitasukham̄ upadahevū anugahinevu cā;
5. sukhīyanadukhiyanaṁ jānisam̄ti dhaṁmayutena ca viyovadisam̄ti janaṁ jānapadaṁ kiṁti hidataṁ ca pālataṁ ca ālādhayevū ti;
6. lajūkā pi laghaṇti paṭicalitave mam̄;
7. pulisāni pi me chaṁdaṁnāni paṭicalisam̄ti;

8. te pi ca kāni viyovadisam̄ti yena mam̄ lajūkā cagham̄ti
ālādhayitave;
9. athā hi pajam̄ viyatāye dhātiye nisijitu asvathe hoti
viyata dhāti caghati me pajam̄ sukham̄ palihaṭave
hevam̄ mamā lajūkā kaṭā jānapadasa hitasukhāye;
10. yena ete abhītā asvatha sam̄tam̄ avimanā kaṭmāni
pavatayevū ti etena me lajūkānam̄ abh(i)hāle va
daṇḍe vā atapatiye kaṭe;
11. ichitaviye (h)i esā kiṁti viyohālasamatā ca siya
daṇḍasamatā cā;
12. ava ite pi ca me āvuti;
13. baṇḍhanabadhānam̄ munisānam̄ til(i)tadaṇḍānam̄ pa-
tavadhānam̄ tiṁni divasā(n)i me yote diṁne;
14. nātikā va kāni nijhapayisam̄ti jīvitāye tānam̄ nāsaṇ-
tam̄ vā nijhapayitā dānam̄ dāhaṇti pālatikam̄
upavāsam̄ va kachaṇti;
15. ichā hi me hevam̄ niludhasi pi kālasi pālataṁ ālādha-
yevū ti;
16. janasa ca vaḍhati vividhe dham̄macalane samyame
dānasavibhāge ti.

Pillar-Edict V (Lauriyā-Ararāj)

1. devānaṁpiye piyadasi lāja hevam̄ āha;
2. saḍluviṣativasābhisisata me imāni pi jātāni avadhyāni
kaṭāni seyatha suke sālika alune cakavāke haṁse
naṁdimukhe gelāṭe jatūka am̄bākapilika duļi ana-
ṭhikamache vedavyeyake gaṁgāpupuṭake saṁkuja-
mache kaphaṭaseyayake paṁnasase simale saṁḍake
okapiṁde palasate setakapote gāmakapote save
catupade ye paṭipogam̄ no eti no ca khādiy(a)ti;

3. ajakā nāni edakā ca sūkali ca gabhini va pāyamīnā va
avadhya potake ca kāni āsaṁmāsike;
4. vadhikuṭe no kaṭaviye;
5. tuse sajive no jhāpayitaviye;
6. dāve anaṭhāye va vihisāye va no jhāpayitaviye;
7. jīvena jīve no pusitaviye;
8. tīsu cātumīmāsīsu tisyaṁ puṇnamāsiyaṁ timni diva-
sāni cāvudasam paṁnaṭasam paṭipadaṁ dhuvāye
ca anuposatham mache avadhye no pi viketaviye;
9. etāni yeva divasāni nāgavanasi kevaṭabhogasi yāni
aṁnāni pi jīvanik(ā)yāni no haṁtavyāni;
10. athamipakhāye cāvudasāye paṁnaṭasāye tisāye punā-
vasune tīsu cātumīmāsīsu sudivasāye gone no nīlak-
hitaviye ajake eļake sūkale e vā pi aṁne nīlakhīyatī
no nilakhītaviye;
11. tisāye punāvasune cātumīmāsiye cātumīmāsipakhāye
asvasa gonasa lakhane no kaṭaviye;
12. yāvasaḍuvisatativasābhisisita me etāye aṁtalikāye paṁ-
navisati baṇḍhanamokhāni kaṭāni.

Pillar-Edict VI (Delhi-Toprā)

1. devānaṁpiye piyadasi lāja hevaṁ ahā;
2. duvāḍasavasaabhisitena me dhaṁmalipi likhāpitā lo-
kasā hitasukhāye;
3. se tam apahaṭā tam tam dhaṁmavaḍhi pāpovā;
4. hevaṁ lokasā hita(sukhe) ti paṭivekhāmi atha iyam;
5. nātisu hevaṁ patiyāsamnesu hevaṁ apakaṭhesu
kimāṁ kāni sukhāṁ avahāmī ti tatha ca vidahāmī
hemevā savanikāyesu paṭivekhāmi;

6. savapāsañḍā pi me pūjitā vividhāya pūjāyā;
7. e cu iyaṁ at(a)nā pacūpagamane se me mokhyamate;
8. sađuvīsativasaabhisitena me iyaṁ dhammalipi likhā-pitā.

Pillar-Edict VII (Delhi-Toprā)

1. devānañpiye piyadasi lājā hevam āhā;
2. ye atikamtañ am̄talāñ lājāne husu hevam ichisu katham Jane dhammavaḍhiyā vaḍheyā no cu Jane anulupāyā dhammavaḍhiyā vaḍhithā;
3. etam devānañpiye piyadasi lājā hevam āhā;
4. esa me huthā;
5. atikamtañ ca am̄tañl(a)m hevam ichisu lājāne katham Jane anulupāyā dhammavaḍhiyā vaḍheyā ti no ca Jane anulupāyā dhammavaḍhiyā vaḍhithā;
6. se kinasu Jane anu(pa)tipajeyā kinasu Jane anulupāyā dhammavaḍhiyā vaḍheyā ti k(i)nasu kāni abhyum-nāmayeham dhammavaḍhiyā ti;
7. etam devānañpiye piyadasi lājā hevam āhā;
8. esa me huthā;
9. dhammasāvanāni sāvāpayāmi dhammānusathini anu-s(ā)sāmi;
10. etam Jane sutu anupaṭipajisati abhyumnamisati dhammavaḍhiyā ca bāḍham vaḍhisat(i);
11. etāye me aṭhāye dhammasāvanāni sāvāpitāni dhammānusathini vividhāni ānapitāni (ya....is)ā pi bahune janasi āyatā e te paliyovadisañti pi pavithra-lisañti pi;
12. lajukā pi bahukesu pānasatasahasesu āyatā te pi me

- ānapitā hevam̄ ca hevam̄ ca paliyovadātha janam̄
dham̄mayu(ta)m̄;
13. (dev)ānam̄piye piyadasi hevam̄ āhā;
 14. etam eva me anuvekhamāne dham̄mathambāni kaṭāni
dham̄mamahāmātā kaṭā dham(ma.ā...e) kaṭe;
 15. devānam̄piye piyadasi lājā hevam̄ āhā;
 16. magesu pi me nigohāni lopāpitāni chāyopagāni hosam̄ti
pasumunisānam̄ am̄bāvaḍikyā lopāpitā;
 17. aḍha(kos)ikyāni pi me udupānāni khānāpāpitāni niṁsi-
(d)iyā ca kālāpitā;
 18. āpānāni me ba(h)ukāni tata tata k(ā)lāpitāni paṭibho-
gāye p(a)sununisānam̄;
 19. (la.....) esa paṭibhoge nāma;
 20. vividhāyā hi sukhāyanāyā pulimehi pi lājihī mamayā
ca sukhayite loke;
 21. imam̄ cu dham̄mānupaṭipatī anupaṭipajam̄tu ti etada-
thā me esa kaṭe;
 22. devānam̄piye piyadasi hevam̄ āhā;
 23. dham̄mamahāmātā pi me te bahuvidhesu aṭhesu
ānugahikesu viyāpaṭāse pavajitānam̄ ceva gihithā-
nam̄ ca sava(....d)esu pi ca viyāpaṭāse;
 24. sam̄ghaṭhasi pi me kaṭe ime viyāpaṭā hoham̄ti ti
hemeva bābhanesu ā(j)ivikesu pi me kaṭe ime
viyāpaṭā hoham̄ti ti nigam̄thesu pi me kaṭe ime
viyāpaṭā hoham̄ti nānāpāsaṁdesu pi me (ka)tē
ime viyāpaṭā hoham̄ti ti paṭivisiṭham̄ paṭivisitham̄
tesu tesu (te.....)mātā;
 25. dham̄mamahāmātā cu me etesu ceva viyā(pa)ṭā savesu
ca aṭnesu pāsaṁdesu;
 26. devānam̄piye piyadasi lājā hevam̄ āhā;

27. ete ca aṁne ca bahukā mukhā dānavisagasi viyāpaṭāse mama ceva devinaṁ ca savasi ca me olodhanasi te bahuvidhena ā(kā)lena tāni tāni tuṭhāyatā(ā)ni paṭī(.....) hida ceva disāsu ca;
28. dālakānaṁ pi ca me kaṭe aṁnānaṁ ca devikumālānaṁ ime dānavisagesu viyāpaṭā hoham̄ti ti dhammā-padānaṭhāye dhammānupaṭipatiye;
29. esa hi dhammāpadāne dhammappaṭipati ca yā iyam̄ dayā dāne sacē socave madave sādha(v)e ca lokasa hevaṁ vaḍhisati ti;
30. devānaṁpiye (p.....s. l)ājā hevaṁ āhā;
31. yāni hi (k)ānicī mamiyā sādhavāni kaṭāni tam̄ loke anūp(a)ṭipāmne tam̄ ca anuvidhiyam̄ti;
32. tena vaḍhitā ca vaḍhisam̄ti ca mātāpit(i)su sususāyā gulusu sususāyā vayomahālakānaṁ anupaṭipatiyā bābhanaśamanesu kapanavalākesu āva dāsabhatakesu sam̄paṭipatiyā;
33. devānaṁp(iy...ya)dasi lājā hevaṁ āhā;
34. munisānaṁ cu yā iyam̄ dhammavaḍhi vaḍhitā duvehi yeva ākālehi dhammāniyamena ca nijhatiyā (ca);
35. tata cu lahu se dhammāniyame nijhatiyā va bhuye;
36. dhammāniyame cu kho esa ye me iyam̄ kaṭe imāni ca imāni jātāni avadhiyāni;
37. aṁnāni pi cu bahu(k...) dhammāniyamāni yāni me kaṭāni;
38. nijhatiyā va cu bhuye munisānaṁ dhammavaḍhi vaḍhitā avihim̄sāye bhutānaṁ anālambhāye pānānaṁ;
39. se etāye a(th)āye iyam̄ kaṭe putāpapotike cāḍama-suliyike hotu ti tathā ca anupaṭipajam̄tu ti;

40. hevam̄ hi anupaṭipajam̄tam̄ hi(da)ta(pāla)te āladhe hoti;
41. satavisativasābhis(i)tena me iyam̄ dhammalibi likhā-pāpitā ti;
42. etam̄ devānam̄piye āhā;
43. iyam̄ dhammalibi ata athi silāthaṁbhāni vā silāphalakāni vā tata kaṭaviyā ena esa cilaṭhitike siyā.

CHAPTER III
THE MINOR ROCK- & PILLAR-EDICTS

Conversion-Edict (Yerragudi)

1. devānaṁpiye hevaṁ āha;
2. sādhikāni yaṁ hakaṁ upāsake;
3. no tu kho ekaṁ saṁvacara pakate husa;
4. sātirekam tu kho savacare yaṁ mayā saṁghe upayite bāḍha ca me pakate;
5. iminā ca kālena amisā munisā devehi te dāni misibhūtā;
6. pakamasa hi n(a) mahatpan eva sakiye khudakena pi pakamaminena sakiye vipule svage ārādhetave;
7. etāya va aṭhāya iyam sāvane sāvite athā kh(u)dakama-hadhanā imam parakamevū aṁtā ca me jānevu ciraṭhitikā ca iyam pakame hotu;
8. vipule pi ca vaḍhasitā aparadhiyā diyadhiyam;
9. iyam ca sāvane sāvāpite vyūṭhena 200 50 6;
10. hevaṁ devānaṁ devānaṁpiye āha;
11. yarthā devānaṁpiye āha tathā kaṭaviya;
12. rājūke ānapetaviye;
13. bherinā jānapada ānapayisati rāṭhikāni ca;
14. mātāpitūsu su(su)sitaviye;
15. hemeva garūsu sususitaviye;
16. prānesu dayitaviye;
17. saca vataviya;
18. susuma dhammagunā pavatitaviyā;
19. hevaṁ tuphe ānapayātha devānaṁpirasa vacanena;
20. hemeva ānapayatha hathiyārohāni kāranakāni yūgya-cariyāni baṁbhanāni ca;

21. tuphe hevaṁ nivesayātha atevāsini yārisā porānā pakiti;
22. iyam sususitaviye;
23. apacāyanā ya vā sava me ācariyasa yathācārina
ācariyasa;
24. nātikāni yathāraha nātikesu pavatitaviye;
25. hesāpi aṁtevāsisu yathāraha pavatitaviye yārisā
porānā pakiti yathāraha yathā iyam āroke siyā;
26. heva tuphe ānapayātha nivesayātha ca aṁtevāsini;
27. hevaṁ devānaṁpiye ānapayati.

Conversion-Edict (Brahmagiri)

1. (s)uv(a)mṇagirite ayaputasa mahāmātāṇam ca va-
can(e)na isilasi mahāmātā ārogiyam vatavyā hevaṁ
ca vatavyā;
2. devāṇam̄piye āṇapayati;
3. adhikāni aḍhātiyāni v(a)sāni ya hakaṁsa(ke);
4. no tu kho bāḍham̄ prakaṁte husaṁ ekaṁ savacharam;
5. sātireke tu kho saṁvachareṇi yaṁ mayā saṁghe
upayīte bāḍham̄ ca me pakaṁte;
6. iminā cu kālena amisā samānā munisā jaṁbudipasi
mi(s)ā devehi;
7. pakamasa hi iyam̄ phale;
8. no hiyam̄ sakye mahātpeneva pāpotave kāmaṁ tu kho
khudakena pi paka(m)i(. .)ṇeṇa vipule svage sakye
ārādhetave;
9. e(t)āyaṭhāya iyam̄ sāvane sāvāpite (.....)
mahāt(p)ā ca imam̄ pakame(yu t)i aṁtā ca mai
jāneyu ciraṭhitike ca iyam̄ (paka.....);
10. iyam̄ ca aṭhe vadhisiti vipulaṁ pi ca vadhisiti avara-
dhiyā diyaḍhiyaṁ (vad̄h)isiti;

11. iyam ca sāvan(e) sāv(ā)p(i)te vyūthena;
12. 200 50 6;
13. se hevaṁ devānaṁpiye āha;
14. mātāpitisu susūs(i)taviye hemeva garu(su);
15. prāneṣu drahyyitavyam;
16. sacaṁ vataviyam;
17. se ime dhaṁmaguṇā pavatitavyā;
18. hemeva amtevāsinā ācariye apacāyitaviye nātikesu
ca (ka)m̄ ya(..)rahaṁ pavatitaviye;
19. esā porā(ṇ)ā pa(k)iti d(igh)āvuse ca esa;
20. hevam esa kaṭiviye;
21. capaḍena likhite li(pi)kareṇa.

Conversion-Edict (Śiddāpura)

1. suvaṁṇagirite ayaputasa mahāmātānaṁ ca vacanena
i(s)ilasi mahāmātā ārogiyam vata(v)i(yā);
2. (dev)ā(na)m̄piye hevaṁ āha;
3. adhikāni a(dhā)t(i)y(āni) vasāni ya ha(kaṁ u)pāsake;
4. no tu kho bāḍha pakamte husaṁ ek(aṁ) sa(vacha..);
5. (sātire)ke tu kho samvachare (yam̄ mayā sam̄)ghe
upayīte bāḍhaṁ (ca me) p(akaṁ)te;
6. i(m)inā cu kālena (a)misā samā(nā) mu.... jaṁbu(d)
..... (mi)sā devehi;
7. pakamasa hi iyam̄ phale;
8. no (h)i iya sake (ma)....(ne)va pāpo(ta)ve kāmaṁ
tu kho khudakena pi (pa).....na (v)ipul(e) svage
sak(e) ārādhetave;
9. (s)e.....ya (iya)m̄ sāvane sāvite yathā khu(dakā

- ca ma)hātpā ca imam (pa)kameyu ti atā ca.....-
 (cira)ṭhi(t)īk(e) ca iyaṁ pakame hoti;
10. va(dh)isiti vipu(la)m p(i) ca vaḍhisiti (a)
 (yadhiya)m vaḍhisiti;
11. i(ya)m (ca) sā(va)ṇe.....;
12. (200) 50 6;
13. (mā)(si)taviye(hyi)tavyam śa-
 (ca)m va(ta)...(ya)m im(e) dhammagu.....
14. (heme)va (a)m..... (āca)riye apacāyitaviye su

15. (es)ā (p)o(r)ā(ṇā)...(ki)tī dī(ghā)vu(se) ca;
15. heme(va) ...m(t)evisine ca ācariy(e)..... thāra-
 ham pavatitav.....m.....sa (ta)thā
 kaṭaviye;
16. capa.....(ṇa).

Conversion-Edict (Rūpnāth)

1. devānaṁpiye heva(m) āhā;
2. sāti(ra)kekāni aḍhati(y)āni va ya sumi prakāsa (sa)k(e);
3. no cu bāḍhi pakate;
4. sātileke cu chavachare ya sumi haka(m) sagh(a)
 up(e)te bāḍhi c(a) pakate;
5. yā (i)māya kālāya jaṁbudipasi amisā devā husu te
 dāni m(i)s(ā) kaṭā;
6. pakamasi hi (e)sa phale;
7. no ca esā mahatata p(ā)potave khudakena pi pa(ka)-
 mam(i)nēnā sakiye pipule pā svage ārodheve;
8. etiya aṭhāya ca sāvane kaṭe kh(u)dakā ca uḍālā ca
 pakamatu ti atā pi ca jānamtu iya paka(rā va) kiti
 ciraṭhitike siyā;

9. iya hi aṭhe vaḍhi vaḍhisiti vipula ca vaḍhisiti apala-dhiyenā diyaḍhiya vaḍhisata;
10. iya ca aṭhe pavatis(u) lekhāpeta vālata;
11. hadha ca athi sālāṭh(abh(e) silāṭha(m)bhasi lākhāpetavaya ta;
12. etinā ca vayajanenā yāvataka tupaka ahāle savara vivasetavā(ya) ti;
13. vy(u)ṭhenā sāvane kāṭe;
14. 200 50 6 sata vivāsā ta.

Conversion-Edict (Sahasrām)

1. devānām̄piye he(vam̄) (ā)...;
2. (.....iyāni savachalāni a)m̄ upāsake sumi;
3. na cu bāḍham̄ (palaka)m̄(t)e;
4. sav(a)chale sādhi(ke) (am.....te);
5. (etena ca aṁta)lena Jaṁbudipasi ammisam̄(de)vā saṁta munisā (m)isaṁdeva (kaṭā);
6. (pala.....iyam̄ phale);
7. (no yan) mahatatā va cakiye pāv(a)t(a)ve khudakena pi palakamaminenā vipule pi s(u)ag...- (k)iyē (ālā.....ve);
8. se etāye aṭh(ā)ye iyam̄ sāvāne khudakā ca uḍālā cā pa(la)kamaṇtu aṁtā pi c(a) jānaṇtu cilāṭhit(ike) ca p(a)l(ā)kame hotu;
9. iya(m̄) ca (aṭhe) vaḍhisati vipulaṁ pi ca vaḍhisati diyāḍhiyam̄ aval(a)dhiyenā diy(a)ḍhiyam̄ vaḍhisati;
10. iyam̄ (ca savane v)ivuthena;
11. duve sapamnā lātisatā vivuthā ti 200 50 6;
12. ima ca aṭham̄ pavatesu (likhāpa)yāthā;

13. ya..(vā) ath(i) hetā silātham(bh)ā tata pi (likhāpay-atha t)i.

Conversion-Edict (Bairāṭ)

1. devānām̄piye āh(ā);
2. s(ā)ti.....vasān(i) ya hakam̄ upāsake;
3. (no cu) bādham
4. aṁ mamayā saghe (u)payāte (bā)dha ca
5. jaṁbudipasi amisā na devehi(m)i
6. .(ka)masa esa ..l(e);
7. (no) hi e(s)e ma(ha)taneva cakiyekamamīnenā vipule pi śvage (ca)kye (ā)lādheta(v)e;
8.kā ca (u)d(ā)lā cā (pala)kamatu (t)i (aṁ)tā pi ca jānaṁtu ti (c)ilaṭhit....
9.lam̄ pi vaḍhisatidiyaḍhiyam̄ vaḍhi(sa)ti...

Conversion-Edict (Maski)

1. dev(ā)na(m̄)piyasa asok(a)sa
2.(a)d̄h(a)t(i).. ni vaśā(ni) aṁ sum(i) bu(dha)sake;
3. (t)ire.....(m)i (s)aṁgha(m̄) u(pa)gate (uṭh)... m(i) u(pa)gate;
4. pure jaṇbu....s(i ye amisā devā husu) te (dā)n(i) misibhūtā;
5. iya a(the khu)dake(na pi) dhamayute(na) sake adhi-gatave;
6. na hevaṁ dakhitaviye (uḍā)lake va ima adhigach(e)yā ti;
7. (khudak(e) (ca uḍ)ālake ca vataviyā hevaṁ ve kalam-

taṁ bha(dak)e (se a).....t(i)k(e) ca va(dhi)siti
cā diya(dhi)yam he(vam) ti.

Conversion-Edict (Gavīmaṭh)

1. devāṇampiye āha;
2. sātirekāṇi aḍhatiyāṇi vasāṇi yaṁ sumi upāsake;
3. ḡo cu kho bāḍham pakaṇte;
4. saṁvacare sātireke yaṁ me saṁghe upeti bāḍham ca
me pakaṇte;
5. se imāyaṁ velāyaṁ jaṁbudipasi amisā devā samāṇā
māṇusehi se dāṇi misā kaṭā;
6. pakamasa esa phale;
7. ḡo hi iyam mahateṇeva cakiye pāpotave khuḍakena
pi pakamamīṇena vipule pi cakiye svag(e) ārādha-
yitave;
8. etāya ca aṭhāya iyam sāvane khuḍakā ca uḍarā ca
pakamaṇtu ti aṁtā pi ca jāṇaṇtu ciraṭhitikē ca
pakame hotu iyam ca aṭhe vaḍhisiti vipule ca
vaḍhisiti diyaḍhiyam pi ca vaḍhisitīti.

Conversion-Edict (Pālkigunḍu)

1.
2.
3. māṇuse
4. ḡo hi iyam....va.....;
5. m(i)nena vipu(le) pi caky(e) svaga āra.....
6. ca pakamaṇtu ti aṁtā pi ca jāṇaṇtu
c(i)...(ke);
7. ca vaḍhisiti diya(dh)iyam pi ca.

Buddhist Scripture-Inscription (Calcutta-Bairāṭ)

1. pr(i)yadas(i) l(ā)jā māgadhe saṃgham abhivāde(tū)naṃ āhā ap(ā)bādhataṃ ca phāsuvihālataṃ cā;
2. vidite v(e) bhamte āvatake h(a)mā budhasi dhammasi saṃghasī ti gālave caṃ prasāde ca;
3. e keci bhamte bhagavatā budhe(na) bhāsite sarve se subhāsite vā;
4. e cu kho bhamte hamiyāye diseyā hevam sadhamme cil(athī)tike hosati ti alahāmi hakam ta(m) v(ā)tave;
5. imāni bhamt(e dha)ṃmapaliyāyāni;
6. vinayasamukase aliyavasānī anāgatabhayāni muni-gāthā moneyasūte upatisapasine e cā lāghulovāde musāvādām adhigicya bhagavatā budhena bhāsite;
7. etāni bhamte dhammapaliyāyāni ichāmi kiṃti bahuke bhikhu(p)āye cā bhikhuniye c(ā) abhikhinaṃ sun(e)-yu cā upadhāl(a)ye yū ca;
8. hevammevā upāsakā cā upāsikā cā;
9. eteni bhamte imam likhā(pa)yāmi abhipretam me jānamtū ti.

Schism-Edict (Allahabad-Kosam)

1. (devānam)piye ānapayati;
2. kosam̄biyam̄ mahām(ā)ta (vataviyā);
3. (saṃghe sa)ma(ge ka)ṭ(e);
4. sa(m)gh(a)si no l(a)hiye (bhede);
5. (ye saṃgham bhā)khati bhikh(u) v(ā) bhikh(u)ni vā (se pi) cā (o)dāt(ā)ni dusāni (saṃ)naṃdhāpayitu a(nāvā)sas(i ā)v(ā)sayiy(e).

Schism-Edict (Sāṃchi)

1.;
2.;
3. (vidisāyaṃ mahāmātā vatavyā);
4. (saṃghe na kenapi lahiyā) bhe(tave);
5. (samgh)e (sa)mage kaṭe (bhi)khūna(m) ca bhi(khun)-īnaṃ c(ā) ti (p)utapa(po)tike caṃ(da)m(asū)ri(yi)ke;
6. ye saṃgham bh(ā)khati bhikhu vā bhikhuni vā odātāni dus(ān)i sanam(dhāpay)itu anā(vā)sasi vā(sā)pe-tavy(e);
7. ichā hi me kiṃti saṃghe samage cilathitike siyā ti.

Schism-Edict (Sārnāth)

1. devā(nampiye);
2. e 1.....;
3. pāṭa(liputasi mahāmātā vatavyā);
4. (na lahi)ye kenapi saṃghe bhetave;
5. e cum kho (bhikh)ū (vā bhikh)uni vā samgham bh(ākha)t(i) s(e) odātāni dus(ān)i (sa)mnaṃdhāpay-iyā ānāvāsasi āvāsayiye;
6. hevaṃ iyam sāsane bhikhusaṃghasi ca bhikhunisaṃghasi ca viṃnapayitaviye;
7. hevaṃ devānampiye āhā;
8. hedisā ca ikā lipī tūphākāṃtikāṃ huvāti saṃsalanasi nikhitā ikam ca lipī hedisameva upāsakānāṃtikam nikhipātha;
9. te pi ca upāsakā anuposathaṃ yāvu etameva sāsanam visvaṃsayitave anuposathaṃ ca dhuvāye ikike mahāmātē posathāye yāti etameva sāsanam visvaṃsayitave ājānitave ca;

10. āvate ca tūphākam āhāle savata vivāsayātha tūphe etena viyāmjanena;
11. hemeva savesu koṭaviśavesu etena viyāmjanena vivāsāpayāthā.

Lumbinī Grove Inscription (Padaria)

1. devāna(pi)yena piyadasina lājina vīsativasābhisisena atana āgāca mahiyite hida budhe jāte sakyamunī ti;
2. silā vigaḍabhi cā kālāpita silāthabhe ca usapāpite hida bhagavam jāte ti;
3. luṇṇminigāme ubalike kaṭe aṭhabhāgiye ca.

Buddha Konākamana Inscription (Niglīvā)

1. devānaṇpiyena piyadasina lājina codasavasā(bh)-i-si)t(e)n(a) budhasa konākamanasa thube dutiyam vāḍhite;
2.sābhisisena ca atana āgāca mahiyite pāpite.

Queen's Edict (Allahabad-Kosam)

1. devānaṇpiyaṣā v(a)canenā savata mahamatā vata-viyā;
2. e hetā dutiyāye deviye dāne aṇbāvaḍikā vā ālame va dāna(gah)e (va e vā pi a)ṇne kīchi ganiyati tāye deviye se nāni;
3. (he)vam ..(na)..dutiyāye deviye ti tīvalamātu kālu-vākiye.

Barābar Hill Cave-Inscription I

lājinā piyadasinā duvāḍasa(vasābhisisenā) (iyam nigo-ha)kubhā di(nā ājivikehi).

Barabar Hill Cave-Inscription II

lājinā piyadasinā duvādasavasābhisisitenā iyam kubhā
khalatikapavatasi dinā (ājīvi)kehi.

Barabar Hill Cave-Inscription III¹⁾

lāja piyadasī ekunavisativasā(bh)isite jala(gho)m-
(sāgama)thāta (me) i(ya)m (kubhā) supi(y)e kha-
(lati-giliti) (dim)nā.

¹⁾ According to the new reading of K. L. Janert, Studien zu den Aśoka-Inschriften. I/II, Nachrichten der Ak. der Wiss. Göttingen, Phil.-Hist. Klasse, 1959, Nr. 4, p. 80. The reading niṁsi(d)-iyā in Pillar-Edict VII (Delhi-Topra), 17 is also elaborately proved by K. L. Janert in the above-mentioned studies.

CHAPTER IV

THE GRECO-ARAMAIC INSCRIPTION OF KANDAHAR

GREEK VERSION

- I. Δέκα ἑτῶν πληρη[. . .]ων¹⁾ βασιλεὺς
 2. Πιοδάσσης εὐσέβεια[ν] ἔδειξεν τοῖς ἀν-
 3. θρώποις καὶ ἀπὸ τούτου εὐσέβεστέρους
 4. τοὺς ἀνθρώπους ἐποίησεν καὶ πάντα
 5. εὐθῆνει κατὰ πᾶσαν γῆν καὶ ἀπέχεται
 6. βασιλεὺς τῶν ἐμψύχων καὶ οἱ λοιποὶ δὲ
 7. ἄνθρωποι καὶ ὅσοι θηρευταὶ ἢ ἀλιεῖς
 8. βασιλέως πέπαυνται θηρεύοντες καὶ
 9. εἴ τινες ἀκρατεῖς πέπαυνται τῆς ἀκρα-
 10. σίας κατὰ δύναμιν καὶ ἐνήκοοι πατρὶ
 - II. καὶ μητρὶ καὶ τῶν πρεσβυτέρων παρὰ
 12. τὰ πρότερον καὶ τοῦ λοιποῦ λώιον
 13. καὶ ἄμεινον κατὰ πάντα ταῦτα
 14. ποιοῦντες διάξουσιν.
-

¹⁾ Proposals for reconstruction of the text are:

a) πληρη[μέν]ων (< analogy with πίμπλημι, πεπλημένος), thus G (and N); for other propositions of G see d) and e).
b) πληρη[θέντ]ων (unusual form, thus Ja; Pl.: < analogy with πλήρης? or read πληρ< ω >[θέντ]ων?).
c) πληρη[έν]των (thus A²; improbable).
d) πλήρη[ς θεί]ων; thus G.
e) πλήρη[ς θεί]ων; thus G (who himself considers this reconstruction as unsatisfactory). The filling up of the gap with -θέντ- is improbable because of the space, cf. Eggermont BiOr xvi 160 and G.

For the abbreviations see the bibliography of this chapter.

TRANSLATION

Ten years king Piodasses instructed people in Piety.

And after that he caused people to conform themselves to Piety more and more.

And everything prospers over the whole earth.

And the king abstains from (killing) living beings and so do the other men and all the king's hunters or fishermen have stopped hunting (and fishing).

And if some were intemperate, they discontinued their intemperance as much as possible.

And (remaining) obedient to their father and mother and to the elders as they were in the past they will also live a better and superior life in future according to all the above-mentioned (rules).

ARAMAIC VERSION

1. šnn ro ptjt w'bjd ¹⁾ zj mr'n prjdrš mlk' qšjt' ²⁾ mhqšt
2. mn 'djn z'jr mr^o ³⁾ lklhm 'nšn wklhm 'dwšj' ⁴⁾ hwd
3. wbkl ⁵⁾ 'rq' r'mštj ⁶⁾ w'p zj znh bm'kl' lmr'n mlk' z'jr ⁷⁾
4. qtl̄n znh ⁸⁾ lm̄lzh ⁹⁾ kllm 'nšn 'thhsjnn wzj ¹⁰⁾ nwnj' 'hdn
5. 'lk 'nšn ptjzbt knm zj prbst ¹¹⁾ hwjn 'lk 'thhsjnn mn
6. prbstj ¹²⁾ whwptjstj l'mwhj wl'bwhj wlmzjštj' 'nšn
7. 'jk 'srhj ¹³⁾ hlqwt' wl' 'jtj djn' lklhm ¹⁴⁾ 'nšj' hsjn
8. znh hwtrj lklhm 'nšn j'wsp ¹⁵⁾ jhwtr.

¹⁾ N: 1. *ptjt w'bjd* (improbable).

²⁾ PLA¹: 1. *qšt'* (incorrect, revoked by A²).

³⁾ Pl: or 1. *md^o*?

⁴⁾ Pl: or 1. *'rwšj'*?

⁵⁾ N: 1. *hwbdw bkl* (improbable).

⁶⁾ PLA¹: 1. *w'p štj* (incorrect, revoked by A²).

⁷⁾ A¹: 1. *wsjd* (incorrect, revoked by A²).

⁸⁾ A¹ omisit (incorrect).

⁹⁾ PLA¹: 1. *(l)m̄lzh* (but *l* clearly legible).

¹⁰⁾ Ja: 1. *'zj* (improbable).

¹¹⁾ Pl: 1. *pd/rbm/st* (but reading *prbst* probable).

¹²⁾ Pl: 1. *pd/rbstj* (but reading *prbstj* probable).

¹³⁾ PLA¹: 1. *jsrhj* (incorrect, revoked by A²).

¹⁴⁾ Pl: 1. *kllm* (improbable).

¹⁵⁾ PlJa: 1. *w'wsp*; A¹: 1. *wj'wsp* (A² follows Pl, very difficult to read).

For the abbreviations see the bibliography of this chapter.

TRANSLATION

(All interpretations that are completely uncertain are printed in italics; after translations about which some doubt remains a question-mark is inserted).

1. *After a lapse of ten years it occurred (?) that our lord king PRJDRS began to realize the true pattern of life.*
2. *And after that for all men evil(?) diminished and all misfortunes he (sc. the king) caused to disappear.*
3. *And there was peace and happiness all over the earth.*
4. *Moreover, the following took place (?): those who used to kill a few (animals) as food for our lord the king, have abstained from that in the sight of (?) all men and to those men who used to catch fishes, it is forbidden to do so.*
5. *Equally those who were intemperate have abstained from (their) intemperance.*
6. *And (there reigns) obedience (?) to his mother and father and to the elders as fate (?) prescribes.*
7. *And for all pious people there is no judgment (?).*
8. *This has been profitable for all men (and) it will be so in future.*

BIBLIOGRAPHY

- Pl 1) *Un Editto bilingue greco-aramaico di Aśoka. La prima Iscrizione greca scoperta in Afghanistan.* Testo, Traduzione e Note a Cura di G. PUGLIESE CARRATELLI e di G. LEVI DELLA VIDA con Prefazione di G. TUCCI e Introduzione di U. SCERRATO (Serie Orientale Roma xxi) Roma 1958. (Referred to in the apparatus criticus as Pl).
- Ja 2) Une Bilingue gréco-araméenne d'Asoka, *Journal Asiatique* 1958, pp. 1-48 (I Introduction, L'inscription grecque par D. SCHLUMBERGER. II Observations sur l'inscription grecque par L. ROBERT. III L'inscription araméenne par A. DUPONT-SOMMER. IV Les données iraniennes par E. BENVENISTE). (Referred to in the apparatus criticus as Ja).
- Ja 3) U. SCERRATO, Notizia sull'editto bilingue greco-aramaico di Aśoka scoperta in Afghanistan, *Archaeologia Classica* X (1958), pp. 262-266.
- Ja 4) E. LAMOTTE, *Histoire du Bouddhisme*, Louvain 1958, pp. 789-798.
- N 5) C. GALLAVOTTI, Il Manifeste di Aśoka nell'Afghanistan, *Rivista di Cultura classica e medievale* I (1959), pp. 113-126.
- A¹ 6) F. ALTHEIM and R. STIEHL, The Aramaic Version of the Kandahar bilingual Inscription of Aśoka, *East and West* 1958, pp. 192-198. (Referred to in the Apparatus Criticus as A¹).
- N 7) Review of No. 1 by P. NOBER, *Verbum Domini* xxxvii (1959), pp. 369-377. (Referred to in the apparatus criticus as N).
- G 8) C. GALLAVOTTI, The Greek Version of the Kandahar bilingual Inscription of Aśoka, *East and West* 1959, pp. 185-191. (Referred to in the apparatus criticus as G).
- A² 9) F. ALTHEIM and R. STIEHL, The Greek-Aramaic bilingual Inscription of Kandahar and its philological Importance, *East and West* 1959, pp. 243-260. (Referred to in the apparatus criticus as A²).
- G 10) F. ZUCKER, Mitteilung über eine kürzlich gefundene Griechisch-Aramäische Bilingue des Königs Aśoka, *Acta Orientalia Academiae Scientiarum Hungaricae* vii (1959), pp. 103-106.
- G 11) F. ALTHEIM and R. STIEHL, Zwei neue Inschriften, die aramäische Fassung der Aśoka-Bilinguis von Kandahar, *Acta Orientalia Academiae Scientiarum Hungaricae* vii (1959), pp. 107-126.
- G 12) D. D. KOSAMBI, Notes on the Kandahar Edict of Asoka, *Journal of the Economic and Social History of the Orient* ii (1959), pp. 204-206.
- G 13) G. PUGLIESE CARRATELLI, *Gli Editti di Aśoka*, Florence, 1960.
- G 14) Remarks from J. and L. ROBERT on no. 7, 8, 9 published in the 'Bulletin Epigraphique', *Revue des Etudes Grecques* lxxiii (1960), pp. 204s.
- G 15) A. DUPONT-SOMMER in the *Proceedings of the ninth Congress for the History of Religions*, Tokio 1960, pp. 617-623.
- This bibliography is not meant to be exhaustive.

CHAPTER V

FURTHER INSCRIPTIONS OF THE MAURIAN PERIOD

I

The Nāgārjunī Cave Inscriptions of Daśaratha¹⁾.

Nāgārjunī A

vahiyak(ā) kubhā dasalathena devānampiyenā ānaṁtal-
iyam abhisitenā (ājīvikehi) bhadaṁtehi vāsanisidiyāye
niśiṭhe ācaṁdamasūliyam.

Nāgārjunī B

gopikā kubhā dasalathenā devā(na)m̄piyenā ānaṁtaliyam
abhisitenā ājīvike(hi bhadaṁ)tehi vāsani(si)diyāye niśiṭha
ācaṁdamasūliyam.

Nāgārjunī C

vaḍathikā kubhā dasalathenā devānampiyenā ānaṁtal-
iyam abhi(si)tenā (ājīvi)kehi bhadaṁtehi vā(sani)sidiyāye
niśiṭhā ācaṁdamasūliyam.

II

The two Storehouse Edicts, supposed to be Mauryan.

The Edict of Sohgaurā²⁾

I. savastiyāna mahāmatana sasane manavasītikaḍā;

¹⁾ See G. BÜHLER, The Barābar and Nāgārjunī Hill Cave Inscriptions of Aśoka and Daśaratha, *Indian Antiquary*, vol. XX, 1891, p. 361-365.

²⁾ See K. P. JAYASWAL, The Text of the Sohgaurā Plate, *Epi-graphia Indica*, vol. XXII, 1933-34, p. 1-3.

2. s(i)limāte usāgame'va ete dave koṭhāgalāni ti(ya)veni-māthula-cacu-modāma-bhalakāna chalikayiyati;
3. atiyāyikāye no gahimtavayo.

The Edict of Mahāsthān¹⁾

1. . . . nena sa(m)va(m)gīy(ā)nam (galadanasa);
2. dumadina(mahā)māte sulakhite puḍanagalate e(ta)m(ni)vahipayisati;
3. samva(m)gīyānam (eha di)ne (tathā) (dhā)niyam;
4. nivahisati da(m)g(ā)tiyāy(i)k(e) d(evātiyāyi)kasi;
5. suatiyāyika(si) pi gaṇda(kehi) (dhāniyi)kehi esa koṭhāgāle kosam (bharaniye).

¹⁾ See D. R. BHANDARKAR, The Mauryan Brahmi Inscription of Mahāsthān, *Epigraphia Indica*, vol. XXI, 1931, p. 83-91.



- XIII Florilegium iurisprudentiae Graeco-Romanae, comp. H. J. SCHELTEMA. 1950. 61 p. f 2.—
- XIV Tituli ad dialectos Graecas iliustrandas selecti. Fasc. I: Tituli Achaici et Aeolici, cong. J. J. E. HONDIUS. 1950. 40 p. f 1.95
- XV HEIN VAN AKEN. Van den Coninc Saladijn ende van Hughen van Tabaryen, bez. door P. DE KEYSER. 1950. 28 blz. f 1.50
- XVI Leges Barbarorum, in usum studiosorum edidit H. F. W. D. FISCHER. II. Lex Ribuaria — Lex Saxonum — Euua ad Amorem. 1951. 48 p. f 1.95
- XVII Palestine inscriptions, ed. by TH. C. VRIEZEN and J. H. HOSPERS. 1951. 40 p. f 2.25
- XVIII TERTULLIANUS. De testimonio animae. Additis locis quibusdam ad naturalem Dei cognitionem pertinentibus coll. G. QUISPTEL. 1952. 46 p. f 2.10
- XIX Acta et symbola conciliorum quae saeculo IV. habita sunt. Ed. E. J. JONKERS. 1954. 138 p. f 6.
- XX The first book of Euclidis Elementa. With glossary. Ed. by E. J. DIJKHUIS. 1955. 50 p., 48 fig.
- XXI The Arenarius of Archimedes. With glossary. Ed. by E. J. DIJKHUIS. 1956. 24 p., fig.
- XXII Gemini Elementorum Astronomiae Capita I, III-VI. glossary. Ed. by E. J. DIJKSTERHUIS. 1957. 68 p.
- XXIII De Oudnederlandse (Oudnederfrankische) Psalming en een vocabularium (Frankisch-Latijn) 61 p.
- XXIV Meliton von Sardes. — Die Passa-Hr 36 p.
- XXV Dionysios Areopagita. — Pseudo archia. Ed. P. HENDRIX. 1959. j.
- XXVI Menander. Dyskolos. Critic
- XXVII Julianus Imperator. — 1960. 40 p. N. 4.—
- XXVIII RUYGH, C. J. / sold. list f 6.—